

Гүй матыми аглуғақо, қулигамсүйт таўатытут. Укйўугалъахтат ипа салгит. Укйўугак сагикнапихтақылге ылъық. Мылгарисималуки мугутақылгит. Тамакын унгаҳпагның нагульыльахглуки капақыкет. Углалътың мугутақылгит. Натын атасилуни ке анлъук тыгик аюғнагута, Нагульыльахглуки аюгутақет. Там илин-ам панамың капақет. Тукутақнамыхтыки аюгутақет. Тамакут матыми аглукақақанка. Қайгўалъамың, йығрат ныкнелгит. Акуна укйўугак тыгмегнеғақылгит авлықатаның.

Гүй илисимақақа Нувуками ысимало, талгўа аңогумалуки ивыругисималуки. Таухкын ивыруңыльхапихтут Усукунам нан аныльхутңа тана. Саўгак ивыругык, двигателиңук итык. Таўхкын-ам ивыругыт тыкисаўхтет. Аңопихтақут айвығыт пугақңата, ыпыхтыкаглуки аңогутытың, пыңахтақет. Атхақңата таным аңогакут.

Укйўугак агвыңақут агыфсагның. Акуна полъалгени нукальпегумало ыто.

Ытакун тана тухкагақ. Тамум атықа «Национальный праздник». Полъасекут, қахакут. Гүй аваўғнақымсайитақа укйўугалъахтақ аглукақ.

Атама гүй аныңи Хухоңа. Мантығат анлъухлъўгакут. Таўа-вык касугакут анукағат. Ынкам нукальпегамало итығақо. Қулигамсульыгенун никугопихтақо. Акуна укйўугак ысугақет микискит. Ысхатана нукальпегақ ынкам ағнагақ саюгақук. Илини итык углапик авагумаяғақа. Эхурңам ынқақанка. Ынқалгеми, санаянка сукатақанка. Ынкам или тухкагақ. Укйўугак ањьярағахтыхун қаяхтуғақылгит. Усияқылътың, алъамың, калақыкет ныкнехтатың калалуки. Ынкам инлонтуңыңа тухкагам – куврихтулгит. Лъыган игунан мухкун алехнақақақа.